

全上古三代秦漢三國六朝文

影印全上古三代秦漢三國六朝文敘

遜清嘉慶間開全唐文館。裒集有唐一代之文。粲然大備。嚴氏可均。頗以未得入館爲憾。乃慨然念唐以前之文。亦當有總集。遂發憤編輯。是書以經史諸子。旁及各大類書所引古文辭爲主。輔以梅氏文紀。張氏百三家集等書。起上古迄隋世。鴻篇鉅製。片語單詞。罔弗綜錄。竭二十餘年之力。成書七百四十六卷。計作者三千四百九十五家。搜羅詳備。巨細不遺。較之梅氏文紀。張氏百三家集。實什伯過之。誠文章之淵藪。藝林之寶筏也。惜書成未及付梓。而嚴氏卒。迨光緒十有三年。黃岡王氏訪得是書原稿於方柳橋功惠家。始爲之刊行。惟校刊未精。誤字脫句。往往而有。學者病之。王雪澄廉訪舊藏此書原稿百四十餘冊。皆嚴鐵橋先生手書。凡名篇鉅著。皆以墨點斷句。其後此稿移藏于醫學書局內。約二年。時丁仲祐師卽欲重印此書。遂使人以王氏初印本照原稿加點斷句。以便學者。卽此次付印之本是也。並命乾一任校閱之役。乾一以師命不敢辭。歷二年有半而告竣。凡校正之處。謹皆一

一標明於是書之眉。觀縷陳之約有六端。一脫句之宜補者。如漢嚴青翟奏

請立皇子爲諸侯王。卷十九、二頁、封至諸侯王下。脫而家皇子爲列侯一句。三國

嵇康釋私論。卷五十一、一頁、情不繫於所欲下。脫矜尙不存於心。故能越名教而任

自然。情不繫於所欲三句。梁阮孝緒七錄序。卷六十六、十一頁、將恐後之罪予者。豈

不在于斯錄下。脫如有刊正。請俟君子。昔劉向校書。輒爲一錄四句。二互倒

之宜改者。如後漢郎顗詣闕拜章。卷六十、二頁、當有震裂涌水之害。之害二字互

倒。又臺詒對。卷六十、七頁、陽氣開發。陽氣二字互倒。又闕名督郵保舉博士板

狀。卷九十七、八頁、喪沒如理。禮易尙書。理禮二字互倒。晉陸雲與兄平原書。卷一百二、六頁、

又古今文兄所未得與校者。文兄二字互倒。又子安諸賦。兄復不皆過。賦兄

二字互倒。三闕字之宜補者。如晉嵇含羽扇賦序。卷六十五、五頁、目侍臣工。闕工字

凡闕字皆作口又夏侯滿秋可哀。卷六十八、七頁、哀南畝之萊荒。闕萊字。又陸機策問秀才紀

瞻等。卷九十八、二頁、氣既惠而復奇。闕奇字。又陸雲歲暮賦。卷一百、一頁、豐顏曄而朝榮

兮。闕榮字。又逸民賦。卷一百、六頁、悲何憊于人禍。闕悲字。又南征賦。卷一百、七頁、烈駭

空而地蕩闕空字又與陸典書書卷一百三、敢啼天望之翼闕敢字又盛德頌

卷一百三、八荒星錯闕星字又十三、王命既愆闕王命二字又祖考頌卷一百四

頁、一沉雄特秀闕沉字又二百、萬載是振闕是字又張二侯頌詠歌之所揄

揚也闕所字又吳故丞相陸公誄卷一百四、和美未任闕任字又晉故散騎常

侍陸府君誄卷一百四、才雄九奧闕雄字又孫惠繼車賦卷一百十五、觀其微風

興于輪端闕其字又九或纖絲組闕纖字又葛洪篇名闕卷一百十七、又與海

水合闕海字又戴逵答周居士難釋疑論卷一百卅七、辭喻清瞻闕瞻字又

釋慧遠三報論卷一百六十、慨天殃之於善人闕慨字又應心求實闕心字

又如斯倫匹闕斯字四衍字之宜刪者如後漢申屠剛舉賢良方正對策卷

六、二而尊尊其宗黨衍一尊字又闕名儆備南匈奴儀卷九十七、責其部衆

無橫暴爲邊害者無字衍晉陸雲與兄平原書卷一百二、久勸兄兄爲耳衍一

兄字五脫字之宜補者如漢揚雄甘泉賦卷五十一、於是事變物化脫事字後

漢章帝報東平王蒼書卷五、復慮爲非脫慮字又郎顗臺詒對卷六十、五德

千五百二十歲脫二十兩字又王粲為劉荊州諫袁譚書卷六十、八頁未有棄親

即異脫棄字三國魏文帝賜桓階詔卷五、四頁况光大魏脫光字又為漢帝置

守冢詔卷五、五頁其令山陽公于其國中正朝服色自如漢典置守冢各三百家

脫中典置三字又阮籍達莊論卷四十五、九頁凡耳目之官名分之施脫官字又大

人先生傳卷四十六、六頁逃乎深縫脫逃乎二字又卷七夫志均者相求好合者齊顏

脫顏字又卷十霍分離蕩脫霍字又稽康與山巨源絕交書卷四十七、八頁時與親舊

叙離闊脫離字又聲無哀樂論卷四十九、四頁凡此數事脫此字又難張遼叔宅無

吉凶攝生論卷五十、九頁苟和未足保生脫苟和二字又聖賢高士傳荷篠丈人

卷五十二、五頁使子路反見之脫路字晉陸雲西園第既成有司啓觀疏諫不可卷一

卷一百一、七頁舉手權還脫舉字又與兄平原書卷一百二、六頁必得傳無疑脫傳字又戴逵

釋疑論卷一百一十七、五頁理盡善積脫理盡二字又釋慧遠萬佛影銘卷一百六十二、十五頁應

不同方脫應字梁武帝贈諡南平王偉詔卷三、十、一頁故侍中中書令大司馬南

平王偉脫令字又簡文帝南郊頌卷十二、八頁彌漫於鄜邑者也脫漫字又江淹

蕭驃騎築新亭墜埋枯骨救卷卅五、勿毀奠祀脫勿毀二字又蕭驃騎謝甲

仗入殿表卷卅六、荷此盛恩脫荷字又拜中書郎表卷卅七、伊臣之願脫伊

字又被黜爲吳興令辭牋詣建平王卷卅八、缺鑿山楹爲室脫缺字又救爲

朝賢答劉休範書卷卅八、猶不道封禪脫道字又任防爲王思遠讓侍中表

卷四十二、未有不階民譽脫未有二字六誤字之宜正者如黃帝問玄女兵法

卷十六、黃帝卽封骨骨誤作骨漢禮錯說文帝令民入粟受爵卷十八、則貧

民之賦可損賦誤作富又鄒陽上書吳王卷十九、則我吳遺嗣不可期於世

矣嗣誤作銅又董仲舒元光元年舉賢良對策卷二十三、亦不能獨成歲終終

誤作功又孔僅東郭咸陽上言鹽鐵卷二十八、欽左趾欽誤作欽又薛宣上疏

言吏多苛政卷四十七、目求吏民過失目誤作呂後漢和帝擇良吏詔卷六、巧

法析律析誤作新又順帝簡覈刺史二千石詔卷七、精覈高下精誤作情又

桓譚桓子新論祛蔽第八卷十四、而不獲救護亦過滅過誤作道又安能自

益易益易之乃在人欲燈燭自益易目不能益字皆誤作盡又蘇竟與劉襲

書

卷十六、四頁

故武王將伐紂、伐誤作代、又寶武諫黨事疏、

卷十六、九頁

而常侍黃門

常誤作嘗、又馮衍計說鮑永、

卷二十、七頁

必有忠信、必誤作非、又何敞又說宋由

卷四十三、十一頁

莫適討捕、討誤作計、又崔駰四巡頌、

卷四十四、五頁

樵夫牧豎、牧誤作收、

又翟酺上言宜脩繕太學、

卷五十八、六頁

孝文皇帝始置五經博士、五誤作一、又郎

顓對狀尚書條便宜七事、

卷六十、四頁

暢其旨趣、旨誤作上、又

五頁或生而幽隔、或

誤作惑、又皇甫規上書薦中郎將張奐自代、

卷六十一、六頁

宜正元帥、帥誤作師、又

謝弼上封事陳得失、

卷八十一、二頁

餘皆素餐致寇之人、餘誤作除、又盧植日食上

封事、

卷八十一、六頁

今郡守刺史一月數遷、一誤作二、又王粲柳賦、

卷九十、六頁

植嘉木

於茲庭、植誤作值、又難鍾荀太平論、

卷九十一、三頁

帝舜因之而三苗畔戾矣、舜誤

作堯、又班昭女誡敬慎第三、

卷九十六、五頁

此由于不尙恭下者也、此由二字誤作

直者、又闕名奏封禪故事、

卷九十七、四頁

檢用金縷五周、周誤作用、又陳王植九詠

卷十四、七頁

服春榮兮猗靡、靡誤作摩、晉陸機演連珠、

卷九十九、四頁

不思倒日、日誤作

目、又陸雲弔陳永長書、

卷一百三、六頁

哀至悲裂、悲誤作梨、又鳩摩羅什答姚興通

三世論書

卷一百六十三、一百六十四

又十力中第二力十力誤作十方宋謝靈運山居賦

川卷

頁一、二

志乘拙而俱旋志誤作出又往渚還汀汀誤作江梁武帝敕賁賀琛

四卷

頁十一

亦毫芥不關國家毫誤作家又移檄京邑

卷五、十頁

幕府荷眷前朝幕

誤作莫又簡文帝金罇賦

卷八、七頁

並聞鳴而爲節並誤作普又與湘東王令悼

王規

卷九、三頁

其風韻適正正誤作上又沈約郊居賦

卷廿五、三頁

鼓玄澤於大荒

大誤作天又

百六

羅憂患其相溢羅誤作羅凡斯之屬不勝枚舉略述數則以

爲之例昔管異之有言書行世須躬自讎校人爲之不能盡如己意也今此

書刊於嚴氏既歿之後而脫誤如此則知管氏之說爲信而有徵矣書將付

印丁師命之作序不揣陋劣聊弁數言使後之讀者知此書重印時斷句及

校閱之工作非苟焉已也

中華人民建國之十有九年武進沈乾一識



敘

余官江蘇糧道時案牘簡寡性無他好畧購書籍以銷暇日偶得鐵橋漫稿閱全上古三代秦漢三國六朝文總敘及總目總例等篇慨然曰博大詳賅唐以前之文備矣刊布海內足補

四庫全書所未及洵不朽之偉觀也俄而有以刻成總目百三卷贈余者蓋鐵橋先生之邑人蔣季卿嚮參校考正擬付剞劂未果其子錫初勉糾眾資刊之發函披卷知先生竭二十餘年之精氣爬羅叢殘使千數百年前古人之心血寄存於此直與全唐文相接續力强而功深嗚呼盛矣惜乎全文散佚搜索不獲按目補輯談何容易丙戌秋赴粵離任晤方太守功惠開說鹽務源流利病瞭如指掌旋以譽諸人人曰方太守獨諸悉鹽法哉家有書樓收儲極富多人間所未見者目錄之學儒者無以過也余甚嘆異焉自是每見必劇談促膝忘暮訪此書稿本則藏之久矣事與

願副爲之狂喜者累日、其明年、出鉅資、慎選梓人、方太守約同官  
王君秉恩、暨存善、理而董之、凡總校分校之役、廖編修廷相、陶中  
書、福祥、率孝廉生、監之、淹雅者分任之、收掌則黎博士兆椿司之、  
而舊友英都、轉續村、官粵最久、又從而督責之、奴力易擎、俾成完  
美、癸巳冬、合七百四十六卷、竣功、蓋校讐歷八次、閱時七年、中間  
有故停工者二年、餘事事五年耳、昔 先生致陳碩士侍郎書、可  
均積稿等身、就中有全上古三代秦漢三國六朝文、非有大力者、  
斷難付梓、姑繕錄清本、畱覆醬餽云云、今而後、高文大冊、惠及士  
林、不負 先生好古續學之苦心、假而不畀以粵東之任、何由越  
數千里外、覓得此奇書之遺稿也、精誠之所感召、機緣之湊合、豈  
偶然哉、光緒二十年三月二十日、黃岡王毓藻謹敘、

刻全上古三代秦漢三國六朝文提調收掌總校分校各銜名

提調

三品銜道員用廣東候補知府巴陵 方功惠

道員用廣東候補知府華陽 王秉恩

三品銜廣東補用知府仁和 王存善

收掌

太常寺博士職銜廣東番禺貢生 黎兆椿

總校

翰林院編修廣東南海 廖廷相

中書銜舉人廣東番禺 陶福祥

分校

廣東南海舉人 胡又安

番禺舉人 陳慶修

鄭 樞

沈寶樞

香山舉人

何翰章

番禺優貢生

范公詒

章 琮

順德優貢生

李肇沅

南海廩貢生

黎維樞

番禺廩貢生

金俊基

林事賢

金敬耀

黃 濤

沈葆和

俞恩榮

南海生員 馮 命

馮 標

潘乃成

桂銘球

番禺生員 陶炳熙

沈廷碩

翰林院待詔番禺增生 劉昌齡

江蘇陽湖舉人 吳翊寅

浙江仁舉人 王克誠

湖南武岡州舉人 張成德

江西萍鄉職監生 文廷俊

全上古三代秦漢三國六朝文總敘

嘉慶十三年開全唐文館不才越在艸茅無能爲役慨然曰唐之文盛矣哉唐已前要當有總集斯事體大是不才之責也其秋始艸創之廣搜三分書與夫收藏家祕笈金石文字遠而九譯旁及釋道鬼神起上古迄隋鴻裁鉅製片語單辭罔弗綜錄省并複疊聯類畸零作者三千四百九十七人分代編次爲十五集合七百四十六卷肆力九年艸創粗定又肆力十八年拾遺補闕抽換之整齊之畫一之已于事而竣攀五尾之散亡揚萬古之天聲唐已前文咸萃于此可繕寫烏程嚴可均

凡例

一、是編從羣書纂錄，字體正俗，略依本書，凡

廟諱

御名，謹遵四庫書聚珍本定例，敬闕末筆。

一、是編創始于嘉慶十三年，時初開全唐文館，館臣已唐碑或有王侍郎昶金石萃編未載者，屬爲廣輯，既錄本呈館，遂并錄唐已前文，肆力七八年，積草稿等身者，再省并複重，得厚一寸者百餘冊，一手校讎，不假眾力，無因襲，無重出，各篇之末，皆注明見某書某卷，或再見數十見，亦倘細注明，已待覆檢。

一、是編大例，遵全唐文，全唐文不載詩，已有全唐詩，而唐已前詩，有馮惟訥古詩紀，望淵無多，故是篇亦不載詩，然如班固兩都賦末，有明堂辟雍等五詩，理無割棄，不能不破例。

一、分代編次，曰上古三代，曰秦，曰漢，曰後漢，曰三國，曰晉，曰宋，曰

齊曰梁曰陳曰後魏曰北齊曰周曰隋每代姓名次第曰帝曰后曰宗室諸王曰國初羣雄曰諸臣曰宦官曰列女曰闕名曰外國曰釋氏曰僊道曰鬼神

一、開勸之君如魏武造魏長沙桓王造吳晉宣景文造晉齊神武造齊周文造周依各史列當代諸帝之首其諸臣曰始仕之年分別先後而子弟孫曾聯屬其下其仕前代又仕後代者歸後代如漢臣臣魏列魏初魏臣臣晉列晉初其累仕數代者歸最後之代如陽休之崔猷袁聿修歷事後魏北齊周隋王元規江總歷事梁陳隋列隋初其前代遺老卒于後代者歸前代如譙玄列漢末陶潛列晉末舊史無定例或兩載今宜畫一其後代佐命卒于前代者歸前代如周瑜荀彧魯肅關羽呂蒙列漢末劉穆之列晉末皆曰卒年爲斷

一、唐已前舊集見存今世者僅阮籍嵇康陸雲陶潛鮑照江淹六



家蔡邕集宋時得殘本重加編次餘無存者見行董仲舒司馬相如東方朔揚雄孔融曹植劉楨王粲陳琳阮瑀徐幹潘岳陸機支遁謝靈運顏延之謝惠連梁武帝簡文帝元帝蕭統沈約任昉陶宏景何遜徐陵庾信集二十七家皆明人輯本里漏靡越絕無罕見之篇今此纂錄得三千六百二十五家家一二篇至十餘卷不等其文分類編次曰賦曰騷曰制曰詔曰敕曰聖書曰下書曰賜書曰冊曰策命曰策問曰令曰敍曰誓曰盟文曰對策曰對詔曰章曰表曰封事曰疏曰上書曰上言曰奏曰議曰駁曰檄曰移曰符曰牒曰判曰啟曰牋曰奏記曰書曰答曰對問曰設論曰設曰難曰釋難曰辨曰考曰七曰記曰序曰頌曰贊曰連珠曰箴曰銘曰誡曰傳曰敘傳曰別傳曰約曰券曰誄曰哀冊曰哀辭曰墓誌銘曰碑曰靈表曰行狀曰弔文曰祭文曰祝文曰題後曰雜著其僭逆如王莽桓立等則先表疏後詔令變例曰別之

一、是編于四部爲總集，亦爲別集，與經史子三部必分界限，然界限有定而無定，詔令書檄天文地理五行食貨刑憲之文出于書，騷賦韻語出于詩，禮議出于禮，紀傳出于春秋，百家九流皆六經餘潤，故四部別派而同源，故文選爲總集而收毛詩序尚書序春秋左氏傳序史論史述贊典論論文苑英華唐文粹亦如此，是經史子三部闖入集部，在所不嫌，全唐文不載晉梁陳北齊周隋史論贊，又不載帝範元子仲蒙續孟素履兼明化書等子書，曰諸史子見存，今遵其例而推廣之，曰爲界限，凡經傳不錄，錄經傳中所載之誓誥箴銘等文，錄佚經而佚詩屬詩，石鼓亦屬詩，不錄錄金石刻辭而峒嶼碑字難識，不錄史記兩漢三國宋齊後魏及漢紀後漢紀華陽國志之論贊，全本見存，不錄錄史序史評錄佚史之論贊而佚史之紀傳不錄，方志不錄，子書見存者不錄，錄佚文及佚子書，屈騷見存不錄，錄宋玉賈誼目下之擬騷，又而救面對

未登簡牘者不錄然史家語例頗未盡一如魏志裴既王基千里陳事不云書啟漢書莽詔半作莽曰史記文景武初作上曰若此之類皆入錄

一、文有煩簡完闕雅俗或寫刻承訛或宋已前依託畢登無所去取

一、詔令書疏奏議碑版等文皆按年月日爲先後年月未詳列于各類之末賦頌箴銘依唐人類書分門爲先後

一、詔令書檄有可考爲某人具草者歸入撰人集中

一、詔令表疏奏議等題目半皆因文追撰或舊有題卽仍其舊至文苑英華題或未安偶亦刪改

一、唐目前舊集體例不與今同如揚雄上書諫勿許單于朝御覽八百十一引雄集曰單于上書願朝哀帝曰問公卿公卿曰虛費府帑可且勿許單于使辭去未發雄上書諫云云所引識其緣起

也。未又引雄集曰：天子召還匈奴使者，復報單于書而許之，賜雄黃金十斤。所引竟其事也。諸引舊集，此類甚多。今竝纂錄。

一、宋齊梁陳隋文多完篇。東漢三國晉文散見羣書者，各自刪節，往往有文同此篇，從數處采獲，或從數十處采獲，合而訂之，可成完篇。張溥百三家集所載魏晉諸賦亦如此。而賦彙即據爲定本，謹遵此例，刺取引見之文，已校譌補缺，至乃碎錦殘圭，義不連貫，則爲散條，附當篇之末，片語單辭，未敢遺棄。

一、是編三千四百餘家，皆爲之小傳。里系察舉遷除封拜贈諡著述略具始末，或某人不見于史傳，則參考羣書，略著爵里。如又不得，則云爵里未詳，或竝不知當何帝之時，則列每代之末。至胡安道二十許人，引見竝不知朝代，但知爲唐已前耳，別爲先唐文一卷，列全書之末。

總目

全上古三代文十六卷 二百六人

全秦文一卷 十六人

全漢文六十三卷 三百三十四人

全後漢文一百六卷 四百七十八人

全三國文七十五卷 二百九十四人

全晉文一百六十七卷 八百三十人

全宋文六十四卷 二百七十八人

全齊文二十六卷 一百三十一人

全梁文七十四卷 二百四人

全陳文十八卷 六十三人

全後魏文六十卷 三百二人

全北齊文十卷 八十四人

全後周文二十四卷

六十一人

全隋文三十六卷

一百六十八人

先唐文一卷

五十四人

韻編全文姓氏五卷

原缺

大凡全上古三代秦漢三國六朝文十五集作者二千  
四百九十六人附韻編姓氏合七百四十六卷

附見存漢魏六朝文集板刻本目錄

蔡邕集十卷外傳一卷一明初九行仿北宋本 一明錫山重刻本 一影寫蘭雪堂活字本 一明徐子

器六卷本

陳留六卷本

阮籍集十卷竝明黃省曾刻本

嵇康集十卷明都穆二

陸雲集十卷宋僧思悅編明仿宋刻本

陶潛集十卷一影寫宋刻本 一六卷谷園刻本

鮑照集十卷一明都穆刻本 一影寫宋刻本

江淹集十卷一明汪士賢刻本 一揚州江氏刻本

已上七家集皆舊本唯蔡邕集宋人重編唐人引見之語往往

不在集中皆對校訖

董仲舒集一卷

司馬相如集一卷

東方朔集一卷

竝明禘刻本

揚雄集五卷

宋譚愈輯本 一明鄭璞補輯六卷本

曹植集十卷

明郭萬程刻本

建安七子集三冊

明楊德明輯本

潘岳集六卷

陸機集十卷

明都穆二俊文集本其序言宋舊本其真從羣書纂輯非舊本也

支遁集二卷

釋藏本

謝靈運集四卷

明沈道初刻本

謝惠連集一卷

顏延之集一卷

謝朓集五卷

一明刻本 一吳興刻本

沈約集四卷

明沈道初刻本

梁武帝集八卷

明閻光世肅梁文苑本



梁昭明太子集六卷

一明閻光世本  
一明楊慎五卷本

梁簡文帝集十四卷

明閻光世本

梁元帝集八卷

明閻光世本

梁宣帝邵陵王豫章王武陵王南康王合集一卷

明閻光世本

任昉集六卷

陶宏景集二卷

一道藏本傅霜編  
一明黃淮序刻本

何遜集一卷

項道暉刻本

徐陵集四卷

庾信集十六卷

已上二十四種集本皆明人纂輯

宋林慮西漢詔令十二卷四百一篇宋樓昉東漢詔令十一卷二

百五十三篇

附梅鼎祚文紀目錄

皇霸文紀十三卷 四庫有

西漢文紀二十四卷 四庫有 千頃堂書目作二十卷

東漢文紀三十二卷 四庫有 千頃堂書目作二十卷

三國魏文紀十八卷蜀文紀二卷吳文紀四卷 四庫無

西晉文紀二十卷 四庫有

東晉文紀 四庫無 千頃堂書目有不列卷

宋文紀十八卷 四庫有

南齊文紀十卷 四庫有

梁文紀十四卷 四庫有

陳文紀八卷 四庫有 千頃堂書目作四卷

後魏文紀 四庫無 千頃堂書目有不列卷

北齊文紀三卷 四庫有

後周文紀八卷 四庫有

隋文紀八卷 四庫有

釋文紀四十五卷 四庫有

謹案梅氏文紀無賦又四孤甲乙等論及諸大禮奏議往往四五人或一二十人所作彙聚一處體例與鄙書不同又如藝文類聚有胡綜請立諸王表梅氏編入辭綜集蓋誤若此之類後人覆檢未可據梅氏書輒補鄙書也

附張溥漢魏六朝一百三家集目錄

賈誼一卷

司馬相如一卷

董仲舒一卷

東方朔一卷

褚少孫一卷

王褒一卷

劉向一卷

揚雄一卷

劉歆一卷

馮衍一卷

班固一卷

崔駰一卷

張衡一卷

李尤一卷

馬融一卷

荀悅一卷

蔡邕二卷

王逸一卷

孔融一卷

諸葛亮一卷

魏武帝一卷

魏文帝二卷

曹植二卷

陳琳一卷

王粲一卷

阮瑀一卷

劉楨一卷

應瑒一卷

應璩一卷

阮籍一卷

嵇康一卷

鍾會一卷

杜預一卷

荀勗一卷

傅玄一卷

張華一卷

孫楚一卷

摯虞一卷

束皙一卷

夏侯湛一卷

潘岳一卷

傅咸一卷

潘尼一卷

陸機二卷

陸雲二卷

成公綏一卷

張載一卷

張協一卷

劉琨一卷

郭璞二卷

王羲之一卷

王獻之一卷

孫綽一卷

陶潛一卷

何承天一卷

傅亮一卷

謝靈運二卷

顏延之一卷

鮑照二卷

袁淑一卷

謝惠連一卷

謝莊一卷

蕭子良二卷

王儉一卷

王融一卷

謝朓一卷

張融一卷

孔稚圭一卷

梁武帝一卷

昭明太子一卷

梁簡文帝一卷

梁元帝一卷

江淹二卷

沈約二卷

陶弘景一卷

王遲一卷

任昉一卷

王僧儒一卷

陸倕一卷

劉孝標一卷

王筠一卷

劉孝綽一卷

劉潛一卷

劉孝威一卷

庾肩吾一卷

何遜一卷

吳均一卷

陳後主一卷

徐陵一卷

沈炯一卷

江總一卷

張正見一卷

高允一卷

溫子昇一卷

邢劭一卷

魏收一卷

庾信二卷

王褒一卷

隋煬帝一卷

盧思道一卷

李德林一卷

牛宏一卷

薛道衡一卷

謹案張氏百三家集以張采文鈔爲藍本唯有賦有詩爲異張采本二千餘家而僅取百三約之又約矣然如諸少孫集止從史記寫出無他書隻字抑何不憚煩也知與鄙書互有漏落然

張氏未載出處錯誤甚多後人覆檢未可輒補鄙書也

全上古三代文目錄

上古

太昊

炎帝

黃帝

帝顓頊

帝嚳

帝堯

帝舜

三代

夏禹

后稷

商湯

武丁

伊尹

仲虺已上卷一

周文王

武王

成王

平王

惠王

襄王



靈王

景王

王子朝

敬王

辛甲

尹逸

祝雍

王滿生

王子虎

馮旦

已上卷二

魯周公

僖公

宣公

定公

哀公

臧孫辰

臧昭伯

季孫行父

季孫宿

季孫斯

里革

孔子

燕召公

燕惠王

燕王喜

燕太子丹

樂毅

鞠武

衛武公

衛莊公

禮至

甯俞

孔惺

鄒野

宋后

已上卷三

晉惠公

晉文公

厲公

平公

祖朝

介子推從者

雍子

巫臣

士燮

士匄

士弱

荀息

荀偃

羊舌肸

欒盈

韓厥

申不害

韓非

魏絳

魏无忌

李悝

范痤

鄭桓公

鄭莊公

鄭定公

公子歸生

公子騂

公孫舍之

公孫僑已上卷四

吳王闔廬

吳王夫差

伍員

孫武

王孫賂

伯嚭

申叔儀

已上魯燕衛晉韓魏鄭吳八國皆周同姓下皆異姓

越王句踐

范蠡

文種已上卷五

齊太公

齊桓公

齊景公

犵裔 華士

管仲

鮑叔

鳧已疵

晏嬰

程本 已上卷六卷七

田常

齊湣王

田文

田單

鬼谷先生

蘇秦

蘇代

蘇厲

涪于髡

魯仲連 已上卷八

鬻熊

楚文王

成王

莊王

平王

公子比

蔦敖

屈到

觀從

沈諸梁

吳起

黃歇

荀卿 已上卷九

宋玉

景差

唐勒 已上卷十

趙鞅

趙武靈王

趙惠文王

代王嘉

董安于

陽虎

王登

諒毅

李牧

秦孝公

秦昭襄王

秦宣太后

杞子

商鞅

張儀

李冰

范雎

呂不韋

列女

柳下惠妻

曲沃負

韓憑妻何氏

楚處莊姬

趙朔妻

趙括母 已上卷十一

闕名

詞詔冊命令敎法書紀誦箴銘儆

戒墓誌祝詛丹書圖識 已上卷十二卷十三卷十四

古逸

歸藏筮辭卜頌夏書夏訓訓語秩官西方之書

大度之書鄭書太府之憲禮志志軍志周志

汲冢瑣語古文周書桃左春秋 已上卷十五

釋氏

迦葉佛

勝軍王

淨飯王

舍衛國賈人

釋迦牟尼佛

四姓

勒那跋彌王

黎師跋陀國王

葉波國濕波王

王舍國瓶沙王

德差伊羅國弗迦沙王

加赦國波羅柰城豪貴

僧大

某許國王

阿育王妾

梵志女

僊道

彭祖

老子

鬼神

西王母

玄女

霍太山三神

已上卷十六

大凡全上古三代文十六卷二百人就中闕名文十九

類約數作十九人

如九十二銘約數作一人

古逸十八種約數作十

八人全書十五集皆依此約數



全上古三代文卷一

烏程嚴可均校輯

太昊

太昊亦作太皞、風姓、號伏戲氏、以木德王、是爲春皇、一云伏羲氏、一云宓犧氏、一云包羲氏、一云庖犧氏、都陳、在位百十一年、一云百六十四年、

十言之教

乾坤震巽坎離艮兌消息、左傳定四年正義引易云伏羲作十言之教、

炎帝

帝生于姜水、說文因姓姜、以火德王、稱炎帝、一云赤帝、一云有焱氏、始作耒耜、號神農氏、一云農皇、以起烈山、亦號烈山氏、一云厲山氏、一云連山氏、一云朱襄氏、初都陳、後居曲阜、在位百二十年、傳八世五百三十年、一云傳十七世、一云七十世、謹案漢書藝文志

農家有神農二十篇本注云六國時諸子疾時怠於農業道耕  
農事託之神農師古引劉向別錄云疑李悝及商君所說兵陰  
陽家又有神農兵法一篇五行家有神農大幽五行二十七卷  
雜占家有神農放田相上耕種十四卷經方家有神農黃帝食  
禁七卷周禮醫師疏引食禁作食藥神農家有神農耨子技道  
二十三卷獨本草不見見乎童紀及樓護傳蓋食禁食藥即本  
草矣倉頡造字在黃帝時前此未有文字神農之言皆後人追  
錄錯所引顯是六國時語即六韜及管子文子所載亦不過  
謂神農之法相傳如是豈謂神農手  
撰之文哉今除本草見存外皆入錄

神農之禁

春夏之所生不傷不害羣書治要六韜虎

神農之數

一穀不登減一穀穀之法什倍二穀不登減二穀穀之法再什倍

夷疏滿之無食者予之陳無種者貸之新管子

神農之法

丈夫丁壯不耕天下有受其飢者婦人當年不織天下有受其寒

者文子上義淮南子齊俗訓不耕不織上皆有而字又呂氏春秋

愛類引神農之教曰士有當年而不耕者則天下或受其飢矣

女有當年而不繼者  
則天下或受其寒矣

### 神農之教

有石城十仞、有湯池百步、帶甲百萬、而亡粟、弗能守也。

漢食貨志  
是錯引神

農之  
教

### 神農書

禾生于棗、出于上黨羊頭之山、右谷中、生七十日秀、六十日熟、凡  
一百三十日成、忌于寅卯、黍生于榆、出于大梁之山、左谷中、生  
六十日秀、四十日熟、凡一百日成、忌于丑、大豆生于槐、出于沮  
石之山谷中、九十日華、六十日熟、凡一百五十日成、忌于卯、小  
豆生于李、出于農石之山谷中、生六十日華、五十日熟、凡一百一  
十日成、忌于卯、秫生于楊、出于農石之山谷中、七十日秀、六十  
日熟、凡一百三十日成、忌于午、蕎麥生于杏、出于農石之山谷  
中、生二十五日秀、五十日熟、凡七十五日成、忌于子、麻生于荆

出于農石之山谷中、生七十日秀、六十日熟、凡一百三十日成、忌  
于未午辰亥、小麥生于桃、出于須石之山谷中、生二百日秀、三  
十日熟、凡二百三十日成、忌于子、稻生于柳、出于農石之山谷  
中、生八十日秀、七十日熟、凡一百五十日成、忌于亥、五穀以生  
長日種者多實、以老死日種者無實、又難生、以忌日種之、一人不  
食、禾生于己、疾于酉、長于子、老于戌、惡于丙丁、忌于寅卯、黍  
生于寅、疾于午、長于丙丁、老于戌、死于申、惡于辰、忌于丑、豆生  
于申、疾于子、長于壬、老于丑、惡于甲乙、忌于丙丁、麥生于酉、疾  
于卯、長于辰、老于午、死于巳、惡于戌、忌于子、太歲在四季、葶藶  
子熟時可種禾豆、夏至時可種黍麻、夏至後百日地氣上時可種  
麥、丑未戌是也太歲在四仲、樵熟時可種禾豆、夏至可種黍麻、夏至後  
九十日地氣上可種麥、子午丑是也太歲在四孟、以蠶眠起時可種禾  
豆、夏至前五十日可種稻黍麻、夏至後八十日地氣上可種麥、寅

已亥是也、開元  
占經一百十一

神農占

正月上朔有風雨、三月穀貴、石五百錢、八月有三卯、旱、麥大善、  
無三卯、麥不善、凡蟲食李則黍貴、食棗栗貴、食杏麥貴、食荆麻  
貴、食桑絲貴、正月上朔日、風從東來、植禾善、從南來、植黍善、從  
北來、植禾善、四月四日、風從東來、植豆善、西來四日至七日中、  
豆善、七日至十日、稚豆善、十四日無風、不種豆、從冬至日到來  
年滿六十日、有大風雨、折樹木、麥大善、從平朔至食時、植麥善、至  
日中、中麥善、至日入、稚麥善、常以夏至後九十日可種、四月朔  
日、風從東來、從平明至辰時、植黍善、至日中、中黍善、至日入、稚黍  
善、月朔日入、清明蠶善、正月有甲子、糴初貴、後賤、正月上  
辛、溫者善、風寒者不好、開元占經一百十一

有焱氏頌

聽之不聞其聲視之不見其形充滿天地苞裹六極莊子天運引有焱氏為之

頌釋文焱亦作炎

黃帝

帝姓公孫名軒轅一云姓姬始服軒冕號軒轅一云居軒轅之丘因以為號亦云帝軒氏一云帝鴻氏一云蚩藏氏有熊國君少典氏之子亦號有熊氏伐炎帝殺蚩尤以土德王稱黃帝在位百年年百一十一

道言

一者階於道機於神六韜兵道十二

芒芒昧昧因天之威與天同氣文子符言上仁呂氏春秋應同淮南子繆稱訓泰族訓御覽七十七

聲禁重色禁重衣禁重香禁重味禁重室禁重呂氏春秋去私

帝無常處也有處者乃無處也以言不刑塞呂氏春秋開道

厲女德而弗忘與女正而弗衰雖惡奚傷呂氏春秋遇合

四時之不正也、正五穀而已矣、

呂氏春秋審時

政語

日中必昃、操刀必割、

賈誼新書一宗首

道若川谷之水、其出無已、其行無止、

賈誼新書九脩政語上

巾凡銘

毋翕弱、毋侂德、毋違同、毋敖禮、毋謀非德、毋犯非義、

路史疏仡紀黃帝作巾凡

之銘、

案後漢朱穆傳注黃帝作巾凡之法卽此漢志道家、有黃帝銘六篇、

金人銘

我古之慎言人也、戒之哉、戒之哉、無多言、多言多敗、無多事、多事多患、安樂必戒、無行所悔、勿謂何傷、其禍將長、勿謂何害、其禍將大、勿謂無殘、其禍將然、勿謂莫聞、天妖伺人、熒熒不滅、炎炎奈何、涓涓不壅、將成江河、緜緜不絕、將成網羅、青青不伐、將尋斧柯、誠不能慎之、禍之根也、曰是何傷、禍之門也、強梁者不得其死、好勝

者必遇其敵盜怨主人民害其貴君子知天下之不可蓋也故後  
之下之使人慕之執雌持下莫能與之爭者人皆趨彼我獨守此  
眾人惑惑我獨不從內藏我知不與人論技我雖尊富人莫害我  
夫江河長百谷者以其卑下也天道無親常與善人戒之哉戒之  
說苑敬慎案此銘舊無撰人名據太公陰謀太公金匱知  
即黃帝六銘之一金匱僅載銘首廿餘字今取說苑以足之

戒

余在民上搖搖恐夕不至朝

意林一引太公金匱武王問玉帝  
之戒可得聞乎太公曰黃帝云

丹書戒

施舍在心平不幸乃弗聞過禍福在所密存亡在所用下匿其私  
用試其上上操度量以割其下上下一日百戰

路史疏佗紀黃帝  
用作戒於丹書又

韓非子揚權  
引末五語

誨顓頊

爰有大圖在上大矩在下汝能法之爲民父母

呂氏春秋序意文  
信侯曰嘗得學黃



帝之所以諱顛頭矣

黃雀占

黃者土精赤者火熒爵者賞也余當立大功乎黃雀者集也御覽八百七十二引秦統攷異載黃帝將興有黃雀赤頭立于日旁黃帝曰

藝文類聚九十九引作黃帝占曰黃者土精赤者火熒雀者賞也余當立

李法

壁壘已定穿窬不繇路是謂姦人姦人者殺漢書胡建傳

兵法

甲子從北斗魁第一星起順數至庚午在第七剛星至辛未還從

第六星逆數至丙子又從第一星順數盡六甲五行大義第五篇引黃帝兵訣案

隋志黃帝兵法雜要訣一卷此省詞隋志黃帝兵法共八種又案李法律法兵律在其中今輯兵法次李法後

沈陰日月俱無光晝不見日夜不見月星皆有雲障之而不雨此

為君臣俱有陰謀兩敵相當陰相圖議也若晝陰夜月出君謀臣

夜陰晝日出臣謀君下逆上也

開元占經五引黃帝用兵要法又十一引黃帝用兵要訣

日月暈仰視之須臾忽有雲氣從傍入者急隨雲以攻之大勝

開元

占經八引黃帝兵法

熒惑出太白之陰若不有分軍必有他急分大軍也

開元占經二十一引黃帝

兵法

太白與辰星俱出東方西方國大敗俱出西方東方國大敗若客

主人俱出軍在東方東方軍敗在西方西方軍敗言其表面軍也

在表者不善不獲已軍堅守可也

開元占經二十一引黃帝兵法

出軍設

牙旗者將軍之精金鼓者將軍之氣一軍之形候也

御覽三百三十八

帝顓頊

帝名顓頊黃帝孫興於高陽號高陽氏妘姓一云姬姓以水德

王都帝丘在位七十八年九十八

政語

帝顓頊曰：至道不可過也，至義不可易也。是故以後者復迹也。故上緣黃帝之道而行之，學黃帝之道而賞之，加而弗損，天下亦平也。

賈誼新書脩政語上

顓頊曰：功莫美於去惡而為善，罪莫大於去善而為惡。故非吾善善而已也，善緣善也，非惡惡而已也，惡緣惡也。吾日慎一日，其此已也。

同上

丹書

敬勝怠者強，怠勝敬者忘。義勝欲者從，欲勝義者凶。凡事不強則枉，不敬則不正。枉者滅廢，敬者萬世。

大戴禮：武王踐祚，召師尚父而問焉。曰：昔帝顓頊之道存乎？師尚父曰：在丹書。書之言云云。案昔帝各本作黃帝。今從官報珍本。學記疏云：檢大戴禮。淮南云：帝顓頊之道無黃字。

帝顓頊之法

婦人不辟男子於路者，拂之於四達之衢。

淮南齊俗訓：御覽七十引淮南子：拂作祓。注云：

除其  
不祥

帝嚳

帝名嚳、一云名彛、一云名叅、黃帝曾孫、興於高辛、號高辛氏、年十五、佐顓頊、三十五卽位、以木德王、都亳、在位七十年、年百有五、

政語

帝嚳曰、緣道者之辭、而與爲道已、緣巧者之事、而學當作與爲巧已、

行仁者之操、而與爲仁已、故節仁之器、以脩其躬、而身專其美矣、

故上緣黃帝之道、而明之、學顓頊之道、而行之、而天下亦平也、賈誼

新書脩政語上

帝嚳曰、德莫高于博愛人、而政莫高于博利人、故政莫大于信、治

莫大于仁、吾慎此而已也、同上

帝堯

帝姓伊祁名放勳帝嚳子兄帝摯封爲唐侯以帝摯之九年受禪號陶唐氏以火德王都平陽或云以土德王在位七十年而舜攝又二十八年崩年百七十諡曰堯

政語

帝堯曰吾存心于千古加志于窮民痛萬姓之罹罪憂眾生之不遂也故一民或飢曰此我飢之也一民或寒曰此我寒之也一民有罪曰此我陷之也

賈誼新書  
脩政語上

堯戒

戰戰慄慄日愼一日人莫蹟於山而蹟於垤

淮南子  
人間訓

刻壁東沈於雒

天子臣放勳德薄施行不玄

御覽八十引  
尚書中候

帝舜

帝姓姚名重華或云字都君諸馮人顓頊之後堯徵爲司徒尋

攝政受禪號有虞氏以土德王都蒲阪在位五十年年百歲或云百十歲諡曰舜

九共

子辯下土使民平平使民無敖

尚書大傳

政語

帝舜曰吾盡吾敬而以事吾上故見爲忠焉吾盡吾敬以接吾敵故見爲信焉吾盡吾敬以使吾下故見爲仁焉

祠田

荷此長相耕彼南畝四海俱有

文心雕龍祝盟篇引舜之祠田

夏禹

禹姓姁名文命蜀之石紐人顓頊六世孫堯以爲司空封夏伯因稱伯禹後受舜禪號有夏氏始降稱王亦號夏后氏攝位二十年卽位十年諡曰禹亦稱神禹又曰大禹

禹誓

濟濟有眾，咸聽朕言。非惟小子，敢行稱亂。蠢茲有苗，用天之罰。若

予既率爾羣對諸羣疑當作羣，以征有苗。墨子親

禹禁

春三月，山林不登斧，以成草木之長。夏三月，川澤不入網罟，以成

魚鼈之長。且以并農力，執成男女之功。周書大聚篇

政語

民無食也，則我弗能使也。功成而不利於民，我弗能勸也。賈誼新

上

夏箴

中不容利，民乃外矣。周書文傳篇引夏箴孔

小人無兼年之食，遇天饑，妻子非其有也。大夫無兼年之食，遇天

饑，臣妾與焉，非其有也。戒之哉，弗思弗行，至無日矣。上

開望

土廣無守可襲伐土狹無食可圍竭二禍之來不稱之災天有四殃水旱饑荒其至無時非務積聚何以備之周書文傳篇引開望也非堂書鈔一百二引天有四殃已下為開書夏篇今據編於夏篇後

奠簋銘

敎寡人以道者擊鼓敎寡人以義者擊鐘敎寡人以事者振鐸語寡人以愛者擊磬語寡人以獄訟者揮鞀鞀子夏周之治天下也鞀而置鞀以待四海之士為銘於奠簋又見淮南子紀論訓作以待四方之士為號云云小異

祀六沴

若爾神靈洪祀六沴是合無差無傾無有不正若民有不敬事則會批之六沴六事之機以垂示我民人無敢不敬事上下王祀尚

大傳鴻範  
五行傳  
后稷



后稷名弃，帝嚳之曾，別姓姬。唐虞之際，爲天官，主稷。后之言主，故號后稷。後爲司馬。子孫世居稷官，皆稱后稷。至太康末，失官。商初，代柱爲稷神。周克商，追尊爲自出之帝，郊配天。

教稷

后稷曰：所以務耕織者，以爲本教也。

呂氏春秋上農

后稷曰：子能以窒爲突乎？子能藏其惡而揖之以陰乎？子能使吾土靖而剛，浴土乎？子能使保溼安地而處乎？子能使藿夷毋淫乎？子能使子之野盡爲冷風乎？子能使藁數節而莖堅乎？子能使穗大而堅均乎？子能使粟圓而薄糠乎？子能使米多沃而食之彊乎？無之若何？凡耕之大方，力者欲柔，柔者欲力，息者欲勞，勞者欲息，棘者欲肥，肥者欲棘，急者欲緩，緩者欲急，溼者欲燥，燥者欲溼，上田棄畝，下田棄剛，五耕五耨，必審以盡其深殖之度，陰土必得，大草不生，必無螟蟻，今茲美禾，來茲美麥，是以六尺之耜，所以成畝。

也其博八寸所以成剛也。耨柄尺此其度也。其耨六寸所以間稼也。地可使肥又可使棘人肥必以澤使苗堅而地隙人耨必以旱使地肥而土緩草耨大月冬至後五旬七日。莠始生莠者百草之先生者也。於是始耕。孟夏之昔殺三葉而獲大麥日至苦菜死而資生而樹麻與菽此告民地質盡死凡草生藏日中出。獮首生而麥無葉而從事于蓄藏此告民究也。五時見生而樹生見死而獲死天下時地生財不與民謀有年瘞土無年瘞土無失民時無使之治下知貧富利器皆時至而作渴時而止是以老弱之力可盡起其用日半其功可使倍不知事者時未至而逆之時既往而慕之當時而薄之使其民而郅之民既郅乃以良時慕此從事之下也操事則苦不知高下民乃逾處種種禾不爲種種重禾不爲重是以粟少而失功

呂氏春秋任地

商湯

湯姓子名履一名天乙契十四世孫卽位十七年克夏號曰武王王十三年崩年百歲諡曰湯一曰成湯一曰武湯

帝告

施章乃服明上下田學紀聞二引尚書大傳帝告

湯征

湯曰予有言人視水見形視民見治不伊尹曰明哉言能聽道乃進君國子民爲善者皆在王官勉哉勉哉湯曰汝不能敬命予大罰殛之無有攸赦史記殷本紀案孟子滕文公篇引葛伯仇餓其蘇滕文公篇引湯始征自葛載又引後我后后來來其無罰皆湯征文以孔書入仲虺之誥故不錄

湯誥

惟三月王自至于東郊告諸侯羣后毋不有功于民勤力乃事予乃大罰殛女母子怨曰古禹皋陶人勞于外其有功於民民乃有安東爲江北爲濟西爲河南爲淮四瀆已脩萬民乃有居后稷降

播農殖百穀三公咸有功于民故后有立昔蚩尤與其大夫作亂

百姓帝乃弗予有狀先王言不可不勉曰不道母之在國女母我

怨史記殷本紀

與諸侯誓

湯卽天子之位與諸侯誓曰陰勝陽卽謂之變而天弗施雌勝雄

謂之亂而人弗行故諸侯之治政在諸侯之大夫治與從周書殷祀

政語

湯曰學聖王之道者譬如其日靜思而獨居譬其若火夫舍學聖

之道而靜居獨思譬其若去日之明於庭而就火之光于室也然

可以小見而不可以大知賈誼新書九

湯曰藥食嘗于卑然後至于貴藥言獻于貴然後聞于卑同上又見說

苑君

嫁妹辭

無以天子之尊而乘諸侯無以天子之富而驕諸侯陰之從陽女之順夫本天地之義也往事爾夫必以禮義因學紀開一京房引湯嫁妹之詞

盤銘

苟日新日日新又日新禮記大學

網祝

湯見設網者四面張祝曰自天下者自地出者自四方至者皆罹我網湯曰嘻盡之矣非桀其孰能如此令去三面舍一面而教之祝曰蛛蝥作網今之人循緒欲左者左欲右者右欲高者高欲下者下吾請受其犯命者賈誼新書七又見呂氏春秋異用史記殷本紀新序五並小異

桑林禱

惟予小子履敢用玄牡告于上天后曰今天大旱即當朕身履未知得罪于上下有善不敢蔽有罪不敢赦簡在帝心萬方有罪即當朕躬朕躬有罪無及萬方墨子兼愛下引湯說又呂氏春秋順民篇天大旱五年不收湯乃以身禱

於桑林曰余一人有罪無及萬夫萬夫有罪在余一人無以一人之不敏使上帝鬼神傷民之命多未二語其為禱旱之詞可以互證而周語湯誓曰余一人有辜無以萬夫萬夫有辜在余一人單昭注湯誓商書伐桀之誓也今湯誓無此言則散亡矣又論語堯曰篇孔安國注此伐桀告天之文墨子引湯誓其詞若此則與墨子顯異所未詳也

政不節與使民疾與宮室崇與婦謁盛與苞苴行與讒夫興與荀子

大略篇又公羊解詁二引韓詩傳說苑君道篇御覽八十三引帝王世紀小異

武丁

武丁小乙子湯十世孫商之第二十二王在位五十九年一云

百年廟號高宗

說命

高宗梁闇三年不言尚書大傳

日以余正于四方余恐德之不類茲故不言楚語上白公子張曰昔殷武丁能聳其德

至于神明於是乎三年默以思道卿士患之曰王言以出令也

名不言是無所稟令也武丁於是作書賈逵唐固曰書說命也  
曰若金用女作礪若津水用女作舟若大旱用女作霖雨啟乃心

沃朕心若藥不瞑眩厥疾不瘳若跣不視地厥足用傷上同

必交修余無余棄也上同

念終始典于學文王世子

學學半學記

敬孫務時敏厥修乃來上同

惟口起羞惟甲冑起兵惟衣裳在笥惟干戈省厥躬衣緇

爵無及惡德民立而正事純而祭祀是為不敬事煩則亂事神則

難上同

伊尹

伊尹名摯姓伊字尹有旆之空桑人初仕桀歸相湯為阿衡太

甲尊為保衡

伊訓

惟太甲元年十有二月乙丑朔伊尹祀于先王誕資有牧方明漢書

律麻志  
引伊訓

天誅造攻自牧宮朕載自亳孟子

載孚在亳堯典疏云鄭注  
典寶引伊訓

征自三艤同上

從諫而不拂微諫而不倦爲上則明爲下則遜荀子臣道引書楊  
倞云書伊訓也

四方獻令

湯問伊尹曰諸侯來獻或無牛馬之所生而獻遠方之物事實相

反不利今吾欲因其地勢所有而獻之本脫而字從文選左  
思詠史詩注引補必易

得而不貴其爲四方獻令伊尹受命於是爲四方令曰臣請正東

符婁仇州伊慮漚深九夷十蠻越漚滿髮文身請令以魚皮之鞞

鯢魴之鱗鯢字本空白從北堂書  
鈔一百四十六引補蛟腋利劍爲獻正南甌鄧桂國

損子產里百濮九菑請令以珠璣瑇瑁象齒文犀翠羽菌鶴短狗

爲獻正西昆侖狗國鬼親枳已關耳貫胸雕題離丘漆齒請令以



丹青白旄紕屬江歷龍角神龜爲獻正北空同大夏莎車姑他日

略豹胡

一作貌胡

代翟匈奴樓煩月氏熾犁其龍東胡請令以橐駝白

玉野馬駒騊駼騏驎良弓爲獻湯曰善

周書王會

說湯

湯得伊尹祓之於廟熏以萑草

此四字本脫從風俗通祀典續漢禮儀志中注引補燔以燿

火燿以熾猥明日設朝而見之說湯以至味湯曰可得

本作可對

百四十

九校改而爲乎對曰君之國小不足以具之爲天子然後可具夫

三羣之蟲水居者腥肉瘦者燥草食者羶臭惡猶美皆有所以凡

味之本水最爲始五味三材九沸九變火爲之紀時疾時徐滅腥

去臊除羶必以其勝無失其理調和之事必以甘酸苦辛鹹先後

多少其齊甚微皆有自起鼎中之變精妙微纖口弗能言志弗能

喻若射御之微陰陽之化四時之數故久而不弊熟而不爛甘而

不濃酸而不噪

本作醅從玉篇引改

鹹而不減辛而不烈澹而不薄肥而不

腠肉之美者、猩猩之脣、獾獾之炙、雉鱗

文選七命注作鸕燕

之翠、述蕩之擊

旌象之約、流沙之西、丹山之南、有鳳之丸、沃民所食、魚之美者、洞

庭之鱖、東海之鰓、醴水之魚、名曰朱鼈、六足有珠百碧

疑當作若碧

水之魚、名曰鱈、其狀若鯉而有翼、常從西海夜飛、游於東海、菜之

美者、崑崙之蘋、壽木之華、指姑

齊民要術十引作括姑

之東、中容之國、有赤

木、玄木之葉焉、餘薈之南、南極之崖、有菜、其名曰嘉樹、其色若碧

陽華之芸、雲夢之芹

說文作薺

具區之菁、浸淵之草、名曰土英、和之美

者、陽樸之藟、招搖之桂、越駱之菌、鰓鮪之醢、大夏之鹽、宰揭之露

開元占經一百一作零揭之露初學記二御覽十二作揭露之露宋本初學記作揭薈

其色如玉、長澤之卵

飯之美者、玄山之禾、不周之粟、陽山之稌、南海之稻、水之美者、三

危之露、崑崙之井、沮江之丘、名曰搖水、曰山

疑當作白山

之水、高泉之

山、其上有涌泉焉、冀州之原、果之美者、沙棠之實、常山之北、投淵

之上、有百果焉、羣帝所食、箕山之東、青鳥之所有、甘櫨焉、江浦之

橘、雲夢之柚、漢上石耳，所以致之。馬之美者，青龍之匹，遺風之乘，非先爲天子，不可得而具。天子不可強爲，必先知道。道者，止彼在己，已成而天子成。天子成，則至味具。呂氏春秋太味案漢志道有伊尹說二十七篇本注其語淺薄似依託也此疑卽小說家之一篇孟子伊尹以割烹要湯謂此篇也

### 對湯問

湯問于伊尹曰：欲取天下，若何？伊尹對曰：欲取天下，天下不可取，可取身將先取。呂氏春秋先已

湯問伊尹曰：三公、九卿、二十七大夫、八十一元士，知之有道乎？伊尹對曰：昔者堯見人而知，舜任人然後知。禹以成功舉之，夫三君之舉賢，皆異道而成功。然尙有失者，況無法度而任己，直意用人，必大失矣。故君使臣自貢其能，則萬一之不失矣。王者何以選賢？夫王者得賢材以自輔，然後治也。雖有堯舜之明，而股肱不備，則主恩不流，化澤不行。故明君在上，慎於擇士，務於求賢，設四佐以

自輔有英俊以治官、尊其爵、重其祿、賢者進以顯榮、罷者退而勞力、是以主無遺憂、下無邪慝、百官能治、臣下樂職、恩流羣生、潤澤草木、昔者虞舜左禹右皋陶、不下堂而天下治、此使能之効也。說苑

湯問伊尹曰、三公九卿大夫列士、其相去何如、伊尹對曰、三公者、知通於大道、應變而不窮、辯於萬物之情、通於天道者也、其言足以調陰陽、正四時、節風雨、如是者、舉以爲三公、故三公之事、常在於道也、九卿者、不失四時、通於溝渠、修隄防、樹五穀、通於地理者也、能通不能通、能利不能利、如是者、舉以爲九卿、故九卿之事、常在於德也、大夫者、出入與民同眾、取去與民同利、通於人事、行猶舉繩、不傷於言、言之於世、不害於身、通於閭閻、實於府庫、如是者、舉以爲大夫、故大夫之事、常在於仁也、列士者、知義而不失其心、事功而不獨專其賞、忠政強諫、而無有姦詐、去私立公、而言有法

度如是者舉以爲列士故列士之事常在於義也故道德仁義定而天下正凡此四者明王臣而不臣湯曰何謂臣而不臣伊尹對曰君之所不名臣者四諸父臣而不名諸兄臣而不名先王之臣臣而不名盛德之士臣而不名是謂大順也

說苑臣術五行大義第二十二篇引帝王

世紀

湯問伊尹曰古者所以立三公九卿大夫列士者何也伊尹對曰三公者所以參王事也九卿者所以參三公也大夫者所以參九卿也列士者所以參大夫也故參而有參是謂事宗事宗不失外內若一

同上

仲虺

仲虺亦作中鼈亦作中鼈一曰萊朱辭人夏車正奚仲之後爲湯左相

仲虺之告

我聞于夏人矯天命布命于下帝伐之惡孟子喪厥師墨子非命上

又非命申引作我聞有夏人矯天命布命于下帝式是惡用關師

又非命下引作我聞有夏人矯天命于下帝式是增用爽厥師凡

三引互異

諸侯自爲得師者王得友者霸得疑者存自爲謀而莫已若者亡

荀子堯問引中歸之言又呂氏春秋駘駘引無霸得疑者四字

亂者取之亡者侮之左傳襄十四年引仲虺有言又襄三十年引仲虺之志同又宣十二年引仲虺有言曰取

亂侮亡

益約文

賜進士出身二品銜廣東等處提刑按察使司按察使兼管驛傳事務直隸王毓藻校刊

全上古三代文卷二

烏程嚴可均校輯

周文王

王諱昌，姓姬，后稷之後。商紂以為西伯，以虞芮質成之年，受命稱王。或云武王克商，追尊為王。詳見禮記大傳在位五十年，年九十七。

諡曰文王。

程寤

文王去商在程，正月既生魄，太姒夢見商之庭產棘，太子發取周庭之梓，樹于闕間，化為松柏棧柞，寤驚以告文王。文王曰：「慎勿言，乃召太子發，占之于明堂。」王及太子發，竝拜吉夢，受商之大命于皇天上帝。藝文類聚七十九，又八十九文選石闕銘注御覽三百九十七，五百三十三，九百五十八，又博物志八，案御覽八十四，引帝王世紀云：「十年正月，文王自商至程，太姒夢見商庭生棘，太子發取周庭之梓，樹之于闕間，梓化為松柏棧柞，覺而驚，以告文王。文王不敢占，召太子發，命祝以幣告于宗廟，羣神然後占之于明堂，及發竝拜吉夢，遂作程寤，亦據周書為說。」案周

書度訓至文傳十七篇今見存不具錄錄諸篇中所載之詔告令而以程寤佚篇冠周代文之首

詔收

不穀不德政事不時國家罷病不能胥匡二三子尙助不穀官考厥職鄉問其人因其耆老及其總害慎問其故無隱乃情及某日以告于廟有不用命有常不赦

周書大匡維周王宅程三年遭天之荒作大匡以詔收其方

詔太子發

汝敬之哉民物多變民何嚮非利利維生痛痛維生樂樂維生禮禮維生義義維生仁嗚呼敬之哉民之適敗上察下遂信何嚮非私私維生抗抗維生奪奪維生亂亂維生亡亡維生死嗚呼敬之哉汝慎守勿失以詔有司夙夜勿忘若民之嚮引汝慎何非遂遂時不遠非本非標非微非輝壤非壤不高水非水不流嗚呼敬之哉倍本者稿汝何葆非監不維一葆監順時維周于民之適敗無有時蓋後戒後戒謀念勿擇

周書文微維周王告夢懼後祀之無保庚辰詔太子發



告四方遊旅

四方遊旅、旁生忻通、津濟道宿、所至如歸、幣租輕、乃作母以行其  
子、易資貴賤、以均遊旅、使無滯、無熟、無室市、權內外以立均、無  
蚤暮、閭次均行、均行、眾從積、而勿口以罰助、均無使之窮、平均無  
乏、利民不淫、無播蔬、無食種、以數度多少省用、祈而不賓、祭服漱  
不制、車不雕飾、人不食肉、畜不食穀、國不鄉射、樂不牆合、牆屋有  
補、無作、資農不敗務、非公卿不賓、賓不過具、哭不留日、登降一等  
庶人不獨葬、伍有植、送往迎來、亦如之、有不用命、有常不違、周書大匡  
維周王宅程三年、遺天之  
大荒于是告四方遊旅

令縣鄙商旅

能來三室者、與之一室之祿、周書大猷乃令縣鄙商旅

伐崇令

毋殺人、毋壞屋、毋填井、毋伐樹木、毋動六畜、有不如令者、死無赦、

說苑  
指武

遺戒

我稱非早，一人固下，脩我度，遵德紀，我終之後，恆稱太子，河雒復

告，遵朕稱王。詩文王序疏，引尚書中侯。

文王之法

有亡荒聞。左傳昭七年，韋尹無宰，引周文王之法，注：荒，大也。聞，蒐也。有亡人當大蒐其眾。

武王

王諱發，文王子，年八十三嗣位，明年觀兵商郊，三年克商，在位十年，年九十三，諡曰武王。

大誓

唯四月，太子發上祭于畢，下至于孟津之上，乃告司馬司徒司空諸節齊栗，信哉，予無知，以先祖先父之有德之臣左右子，小子受先公功，畢力賞罰，以定厥功，明于先祖之遺師，行師，尚父左杖黃

鉞右把白旄以號曰蒼兕蒼兕總爾眾庶與爾舟楫後至者斬太子發升于舟中流白魚入于王舟王跪取入湲以燎羣公咸曰休哉周公曰雖休勿休祇事不忘既渡至于五日有火自上復于下至于王屋流爲雕其色赤其聲魄五至以穀俱來武王喜諸大夫皆喜周公曰茂哉茂哉天之見此以勸之也恐恃之使上附以周公書報誥于王王動色變八百諸侯不召自來不期同時不謀同辭皆曰紂可伐矣王曰爾未知天命未可伐乃還師歸尙書大傳紀齊太公世家漢書董仲舒傳書太誓序疏引馬融書序詩大明疏思文疏宮疏周禮太祝疏春秋經傳集解同類指勸諭自虎通爵篇楚詞天爵注文選南通賦舊注

唯丙午王逮師前師乃鼓鼓譟師乃擯前歌後舞格于上天下地咸曰孜孜無怠天將有立父母民之有政有居尙書大傳詩諸序疏引漢律厭志周禮大司馬注說文手部御覽五百七十四引尙書大傳

王乃作大誓告于眾庶今殷王紂乃用其婦人之言自絕于天毀

壞其三正、離遏其王父母弟、四方之多罪逋逃是宗、是長、是信、是使、乃斷棄其先祖之樂、乃為淫聲、用變亂正音、以說婦人、故今子

發、唯其行天罰、勸哉夫子、不可再、不可三、史記周本紀漢禮樂志谷永傳

周公曰、都懋哉、予聞古先哲王之格言、周禮太祝疏

正稽古、立功立事、可以永年、傳于亡窮、丕天之大理、漢書郊祀志平當

傳

附下而罔上者死、附上而罔下者刑、與聞國政而無益于民者退

在上位而不能進賢者逐、說苑臣術容齋續筆一

小人見姦巧、乃聞不言也、發罪鈞、墨子倚

太子發拜手稽首、周禮太祝疏

於去發、疑作太曰、惡乎君子、天有顯道、其行甚章、為鑑不遠、在彼

殷王、謂人有命、謂敬不可行、謂祭無益、謂暴無傷、上帝不常、九有

以亡、上帝不順、祝降其喪、惟我有周、受之大帝、墨子非命下

紂越厥夷居、不肯事上帝、鬼神禍厥先、神祗不祀、乃曰、吾有民有

命、無僂倬務、天亦縱之、棄而弗葆、墨子非命上、非命申、天志中

天視自我民視、天聽自我民聽、孟子萬章

天聰明自我民聰明、詩、烝民箋疏、云、大誓文

民之所欲、天必從之、左傳襄三十一年、昭元年、又周語單襄公引、鄭語史伯引

文王若日若月、乍照光于四方、于西土、墨子兼愛下

獨夫紂、荀子議兵

予克紂、非予武、惟朕文考無罪、紂克予、非朕文考有罪、惟予小子

無良、禮記緇衣

紂有億兆夷人、亦有離德、余有亂臣十人、同心同德、左傳昭二十四年、又略見

成二年、又管子法禁

朕夢協朕卜、襲于休祥、戎商必克、周語單襄公引

我武惟揚、侵于之疆、取彼凶殘、我伐用張、于湯有光、秦世序疏、馬融書序引、孟

子案詩大明疏引泰誓司馬在前謂他篇皆先司徒後司馬大誓獨云司馬司徒司空是在前也本非成語不錄武成

惟一月壬辰旁死霸若翌日癸巳武王乃朝步自周于征伐紂漢書律風

志

粵若來三月既死霸粵五日甲子咸劉商王紂同上

惟四月既旁生霸粵六日庚戌武王燎于周廟翌日辛亥祀于天

位粵五日乙卯乃曰庶國祀臧于周廟同上

血流浮杵論衡語增案漢志引上三條與周書世俘同今此一

權十九篇皆武王書今見在不錄知武成非即世俘也案周書柔武至五

立重泉成令

民自有百鼓之粟不行管子地數

役靡

豹襦豹裘方得入朝御覽六百九十四引管子

矢枯銘

肅慎氏之貢矢

魯語下昔武王克商肅慎氏貢楛矢石若先王欲昭其令德之致遠也銘其楛

席四端銘

席前左端

安樂必敬

前右端

無行可悔

後左端

一反一側亦不可以忘

後右端

所監不遠視邇所代

机銘

皇皇惟敬口生垢口戕口

鑑銘

見爾前、慮爾後、

盥盤銘

與其溺于人也、寧溺于淵、溺于淵猶可緩也、溺于人不可救也、

楹銘

母曰胡殘、其禍將然、母曰胡害、其禍將大、母曰胡傷、其禍將長、

杖銘

惡乎危于忿、惡乎失道于嗜、惡乎相忘于富貴、

帶銘

火滅修容、慎戒必恭、恭則壽、

履履銘

慎之勞、勞則富、

觴豆銘



食自杖、食自杖、戒之僇、僇則逃、

戶銘

夫名難得而易失、無懃弗志、而曰我知之乎、無懃弗及、而曰我杖之乎、擾阻以泥之、若風將至、必先搖搖、雖有聖人、不能爲謀也、

牖銘

隨天之時、以地之財、敬祀皇天、敬以先時、

劍銘

帶之以爲服、動必行德、行德則興、倍德則崩、

弓銘

屈伸之義、廢興之行、無忘自過、

矛銘

造矛造矛、少間弗忍、終身之羞、

自席四端銘止此凡十七銘並大戴禮武王踐阼

衣銘

桑蠶苦女工難得新捐故後必寒

鏡銘

以鏡自照者見形容以人自照者見吉凶案御覽五百九十引作書鏡日以鏡自照則知

吉凶即此銘傳寫有脫落耳

觴銘

樂極則悲沈湎致非社稷爲危已上三銘並後漢朱穆傳注引太公陰謀

冠銘

寵以著首將身不正遺爲德咎御覽四百三引太公金匱

書履

行必慮正無懷僥倖同上

書劍

常以服兵而行道德行則福廢則否北堂書鈔一百二十二引太公金匱又御覽四百三後上

有德字

書車

自致者急、載人者緩、取欲無度、自致而反、御覽五百九十  
引太公金匱

書鋒

忍之須臾、乃全汝軀、

書刀

刀利體脆、無爲汝開、

書井

源泉滑滑、連旱則絕、取事有常、賦斂有節、已上並意林  
引太公金匱

几書

安無忘危、存無忘亡、熟惟二者、必後無凶、

杖書

輔人無苟、扶人無咎、已上並後漢崔駰  
傳法引太公金匱

門書

敬遇賓客貴賤無二御覽一百八十  
三引太公金匱

戶書

出畏之入懼之

鑰書

昏慎守深察訛已上並御覽一百八  
十四引太公金匱

牖書

闕望審且念所得可思所忘御覽一百八十  
八引太公金匱

硯書

石墨相著而黑邪心讒言無得汙白藝文類聚五十八初學記二  
十一御覽六百五事類賦注

十五困學紀聞五  
並引太公金匱

筆書

毫毛茂茂陷水可脫陷文不活困學紀聞五  
引太公陰謀

箠書

馬不可極、民不可劇、馬極則躓、民劇則敗。御覽三百五十九引太公陰謀

成王

王諱誦、武王子、在位三十七年、諡曰成王、

卜居成周命龜

予一人兼有天下、辟就百姓、敢無中土乎、使予有罪、則四方伐之、

無難得也、

說苑至公案漢書費敬傳成王營成周都、謂百為此天下中諸侯四方納貢職道里鈞矣有德則易曰興無

德則易曰亡凡居此者欲令務以德致人不欲險阻令後世驕奢曰虐民也

定成周

惟余一人、營居于成周、惟余一人、有善易得而見也、有不善易得

而誅也、

呂氏春秋長利南宮括曰成王之定成周其鑑云云

齊魯之命

女股肱周室、以夾輔先王、賜女土地、質之以犧牲、世世子孫、無相

害也、

魯語上展禽使乙喜犒師曰昔者成王命我先君周公及齊先君太公又左傳僖二十六年引末二語

伯禽告

成王封伯禽爲魯公召而告之曰爾知爲人上之道乎凡處尊位者必以敬下順德規諫必開不諱之門擯節安靜以藉之諫者勿振以威勿格其言博採其辭乃擇可觀夫有文無武無以威下有武無文民畏不親文武俱行威德乃成旣成威德民親以服清白上通巧佞下塞諫者得進忠信乃畜伯禽再拜受命而辭

說苑君道

平王

王諱宜曰幽王太子避褒姒之難奔申申伯及鄩與西戎攻周而立之東遷于維在位五十一年諡曰平王

命晉文侯

與鄭夾輔周室母廢王命

左傳宣十二年

駢旄之盟

世世無失職

左傳襄十年

惠王

王諱問一云諱毋涼平王六世孫在位二十五年諡曰惠王

賜楚成王胙

鎮爾南方夷越之亂無侵中國史記楚世家

襄王

王諱鄭惠王子在位三十二年諡曰襄王

告難

不穀不德得罪于母弟之寵子帶鄙在鄭地汜敢告叔父左傳傳二十四

年

策命晉文公

王謂叔父敬服王命以綏四國糾逖王慝左傳僖二十八年案

王若曰父義和云云蓋誤以文侯當文公也時代懸隔司馬貞已正辨之

靈王

王諱泄心、襄王六世孫、在位二十七年、諡曰靈王、

賜齊靈公命

昔伯舅太公、右我先王、股肱周室、師保萬民、世祚太師、以表東海、王室之不壞、翳伯舅是賴、今子命汝環、茲率舅氏之典、纂乃祖考、無替乃舊、敬之哉、無廢朕命、左傳襄十四年

景王

王諱貴、靈王子、在位二十五年、諡曰景王、

追命衛襄公

叔父陟恪、在我先王之左右、以佐事上帝、余敢忘高圉、亞圉、左傳昭七年

以閭田辭于晉

我自夏以后稷、魏駘芮岐畢、吾西土也、及武王克商、蒲姑商奄、吾東土也、巴濮楚鄧、吾南土也、肅慎燕臺、吾北土也、吾何邇封之有、



文武成康之建母弟以蕃屏周亦其廢祿是爲豈如弁髦而因以  
敝之先王居櫛杌于四裔以禦魑魅故允姓之姒居于瓜州伯父  
惠公歸自秦而誘以來使偪我諸姬人我郊甸則戎焉取之戎有  
中國誰之咎也后稷封殖天下今戎制之不亦難乎伯父圖之我  
在伯父猶衣服之有冠冕木水之有本原民人之有謀主也伯父  
若裂冠毀冕拔本塞原專弃謀主雖戎狄其何有余一人左傳昭  
九年周  
甘人與晉圍嘉平閭曰晉梁丙張趯  
率陰戎伐潁王使詹桓伯辭于晉

### 王子朝

子朝景王庶長子與王子猛爭國子猛卒而敬王卽位是爲東  
王尹氏立子朝是爲西王立五年而敗奔楚

### 使告于諸侯

昔武王克殷成王靖四方康王息民竝建母弟以蕃屏周亦曰吾  
無專享文武之功且爲後人之迷敗傾覆而溺入于難則振救之

至于夷王、王愆于厥身、諸侯莫不竝走其望以祈王身。至于厲王、王心戾虐、萬民弗忍、居王于畯、諸侯釋位以閒王政。宣王有志而後效官、至于幽王、天不弔周、王昏不若、用愆厥位、攜王奸命、諸侯替之、而建王嗣、用遷邠、邠則是兄弟之能用力于王室也。至于惠王、天不靖周、生玁狁心、施于叔帶、惠襄辟難、越去王都、則有晉鄭咸黜不端、以綏定王家、則是兄弟之能率先王之命也。在定王六年、秦人降妖、曰周其有頤王、亦克能修其職、諸侯服享二世、其職王室、其有閒王位、諸侯不圖而受其亂災。至于靈王、生而有頤王、甚神聖、無惡于諸侯、靈王景王克終其世、今王室亂、單旗劉狄剗亂天下、壹行不若、謂先王何常之有、唯余心所命、其誰敢討之。帥羣不弔之人、以行亂于王室、侵欲無厭、規求無度、貫瀆鬼神、慢棄刑法、倍奸齊盟、傲很威儀、矯誣先王、晉爲不道、是攝是贊、思肆其罔極。茲不穀震盪播越、竄在荆蠻、未有攸底。若我一二兄弟甥舅、

獎順天法無助狡猾以從先王之命毋速天罰赦圖不穀則所願也敢盡布其腹心及先王之經而諸侯實深圖之昔先王之命曰王后無適則擇立長年鈞以德德鈞以下王不立愛公卿無私古之制也穆后及太子壽早夭卽世單劉贊私立少以開先王亦唯伯仲叔季圖之

左傳昭二十六年王子朝及召氏之族毛伯得尹氏固南宮豳奉周之典籍以奔楚王子朝使告于

敬王

王諱丐景王子在位四十三年或云四十二年諡曰敬王

請城成周

天子曰天降禍于周俾我兄弟並有亂心以爲伯父憂我一二親昵甥舅不皇敗處于今十年勤戍五年余一人無日忘之閔閔焉如農夫之望歲懼以待時伯父若肆大惠復二文之業弛周室之憂微文武之福以固盟主宣昭令名則余一人有大願矣昔成王

合諸侯城成周以爲東都崇文德焉今我欲徼福假靈于成王脩成周之城俾成人無勤諸侯用寧蚤賊遠屏晉之力也其委諸伯父使伯父實重圖之俾我一人無徵怨于百姓而伯父有榮施先王庸之

左傳昭三十二年王使大夫富辛與后張如晉請城成周

辛甲

辛甲初事紂七十五諫而不聽去之周召公與語賢之以告文王事文王武王爲太史封于長子

虞箴

茫茫禹迹畫爲九州經啟九道民有寢廟獸有茂草各有攸處德用不擾在帝夷羿冒于原獸亡其國恤而思其麀牡武不可重用不恠于夏家獸臣司原敢告僕夫

左傳襄四年昔周辛甲之爲太史也命百官箴王闕于虞人

之箴云云虞箴如是可不懲乎

尹逸

逸一作佚亦稱史佚周初太史事武王成王康王

案漢志歷家  
有尹逸二篇

本注周臣在  
成康時也

武王卽位筮

殷末孫受德迷先成湯之明侮滅神祇不祀昏暴商邑百姓其彰

顯聞于昊天上帝

周書克殷解王入卽位于社太卒之左尹逸筮  
史記周本紀作尹佚筮祝曰殷之末孫季紂殄

廢先王明德侮蔑神祇不祀昏暴商邑百姓  
其章顯聞于天皇上帝齊世家作史佚策祝

對成王問

成王問政于尹逸曰吾何德之行而民親其上對曰使之以時而

敬順之忠而愛之有令信而不食言王曰其度安在對曰如臨深

淵如履薄冰王曰懼哉對曰天地之間四海之內善之則畜也不

善則讎也夏殷之臣反讎桀紂而臣湯武夙沙之民自攻其主而

歸神農氏此君之所明知也若何其無懼也

說苑  
政理

史佚之志

非我族類其心必異

左傳成四年

遺言

無始禍無怙亂無重怒

左傳僖十五年

兄弟致美救乏賀善弔災祭敬喪哀

左傳文十五年

因重而撫之

左傳襄十四年

勤莫若敬居莫若儉德莫若讓事莫若咨

周語下

祝雍

雍周初太祝

成王冠祝

使王近于民遠于年嗇于時惠于財親賢使能

大戴禮公冠又見說苑修文家語冠

領小異

成王冠頌

令月吉日王始加元服去王幼志服衮職欽若昊天六合是式率

爾祖考永永無極

家語冠頌又說苑修文作令月吉日加子元服去爾幼志順爾成德

王滿生

滿生齊人

藉筆牘書教周公

社稷且危傳之於膺

說苑指武齊人王滿生見周公周公曰先生何以教之王滿生藉筆牘書之曰云云周公

仰視見書曰唯唯謹聞命矣明日誅管蔡

王子虎

虎襄王卿士一稱王叔諡曰文公其後爲王叔氏

盟諸侯于王庭要言

皆獎王室無相害也有渝此盟明神殛之俾墜其師無克祚國及

而玄孫無有老幼

左傳僖二十八年

馮且

旦仕西周

使人操金與書間遺昌他

告昌他事可成、勉成之、不可成、亟亡來亡來事久且泄、自令身死、  
戰國策一昌他亡西周之東周、盡輸西周之精于東周、西周大怒、  
馮且曰臣能殺之、君子金三十斤、馮且使人操金與書間遺昌他、  
俟得而獻東周、東周立殺昌他。

賜進士出身一品銜廣東等處提刑按察使司按察使兼管驛傳事務黃岡王毓藻校刊

全上古三代文卷二終